



ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИННИГ  
ҚАРОРИ



**Ўзбекистон Республикасида накд пулсиз ҳисоб-китоблар тўғрисидаги  
низомга ўзгартириш ва қўшимчалар киритиш ҳақида**

Ўзбекистон Республикасининг “Ўзбекистон Республикасининг Марказий банки тўғрисида”ги, “Банклар ва банк фаолияти тўғрисида”ги, “Электрон тўловлар тўғрисида”ги қонунларига ва Ўзбекистон Республикаси Президентининг 2017 йил 29 майдаги ПФ-5059-сон “Электр энергияси ва табиий газ етказиб бериш ҳамда истеъмол қилиш соҳасида тўлов интизомини янада мустаҳкамлаш, шунингдек, ижро иши юритиш тизимини тубдан такомиллаштириш чора-тадбирлари тўғрисида”ги ҳамда 2017 йил 5 июлдаги ПФ-5106-сон “Ёшлирга оид давлат сиёсати самарадорлигини ошириш ва Ўзбекистон ёшлар иттифоқи фаолиятини қўллаб-қувватлаш тўғрисида”ги фармонларига мувофиқ Ўзбекистон Республикаси Марказий банки Бошқаруви қарор қиласди:

1. Ўзбекистон Республикаси Марказий банки Бошқарувининг 2013 йил 26 апрелдаги 9/1-сон қарори (рўйхат рақами 2465, 2013 йил 3 июнь) (Ўзбекистон Республикаси қонун хужжатлари тўплами, 2013 й., 23-сон, 309-модда) билан тасдиқланган Ўзбекистон Республикасида накд пулсиз ҳисоб-китоблар тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

Тошкент шаҳри,  
2017 йил 11 ноябрь,  
31/1-сон



М. Нурмуратов

Ўзбекистон Республикаси  
Марказий банки Бопшарувининг  
2017 йил 11 ноябрдаги  
31/1-сонли қарорига  
ИЛОВА

## Ўзбекистон Республикасида нақд пулсиз ҳисоб-китоблар тўғрисидаги низомга киритилаётган ўзгартириш ва қўшимчалар

1. 1-банд қўйидаги мазмундаги хатбоши билан тўлдирилсин:

“Ўзбекистон Республикаси бюджет тизими бюджетларининг ғазна ижроси бўйича амалга ошириладиган нақд пулсиз ҳисоб-китоблар Ўзбекистон Республикаси бюджет тизими бюджетларининг ғазна ижроси қоидаларига (рўйхат рақами 2850, 2016 йил 22 декабрь) мувофиқ тартибга солинади.”.

2. 7-банд қўйидаги таҳтирида баён этилсин:

“7. Етказиб берилган маҳсулот (бажарилган ишлар, хизматлар) учун тўловлар бевосита маҳсулот етказиб берувчиларга тўланиши керак, тўловларнинг учинчи шахслар (хўжалик юритувчи субъектлар) ҳисобидан ундирилишига йўл кўйилмайди, конун хужжатларида назарда тутилган ҳоллар бундан мустасно.”.

3. 34-банд “почта алоқаси ташкилотларига” деган сўзлардан кейин “ва АТ Халқ банки филиалларига” деган сўзлар билан тўлдирилсин.

4. 59-бандда:

“а” кичик банднинг еттинчи хатбошидаги “Камолот” ёшлар ижтимоий харакатини” деган сўзлар “Ўзбекистон ёшлар иттифоқининг” деган сўзлар билан алмаштирилсин;

“в<sup>1</sup>” кичик банд “энергия ресурслари” деган сўзлардан кейин “ҳамда сув таъминоти ва сув чиқариш хизмати” деган сўзлар билан тўлдирилсин.

5. 61-банднинг иккинчи хатбошиси қўйидаги мазмундаги жумла билан тўлдирилсин:

“Давлат ижроилари энергия ресурслари ҳамда сув таъминоти ва сув чиқариш хизмати бўйича қарздорликни ундиришда инкассо топшириқномаларини бевосита маблағларни тўловчига хизмат кўрсатувчи банкка давлат ижроисининг қарорини илова қилмаган ҳолда тақдим этиши мумкин.”.